

Tunc Gocctifredus³² fautor episcopi ad cuius instantiam contra clerum et fideles insurgit et omnes sub pena capitis de civitate mora omni semota exire precepit. Qui exierunt et ad monasterium Septimense³³, quo secesserat vir sanctus, gradu concito porrexerunt; a quo caritate omni recepti usque ad finem negocii permanserunt.

Andr. Strum.

§ 75

11. Quod^p domine civitatis intuentes in maiorem ecclesiam convenerunt, bendis^q elevatis^r et^r capitis per pectus tractis crinibus ad Sanctum Petrum Maiorem³⁴ fletu inremediabili processerunt, ubi ante ymaginem apostolorum principis Petri lacrimis et clamoribus dicere inceperunt: „O beate Petre nos credebamus te Symonem Magum expulisse de ecclesia, modo videmus, quod ipse te expulit, et nil curare ostendis eo, quod nullum subsidium nobis dare videris. Sed, ex quo sic est, ad te confugimus et mori velle tuis sub pedibus profitemur“.

Quod dum ad noticiam Gocctifredi^s supradicti venisset, illuc familiam suam misit et eas multis factis comminationibus exire ecclesia imperavit. Que concito exierunt et fletu maximo ut erant capitibus denudatis ex more viros plangentium ad monasterium Septimense^t cum fideli clero et populo ubi sanctus erat Iohannes pergere non postponunt³⁵.

12. Florentini hoc videntes episcopum^u adierunt. Se nolle ista pati nuntiarunt^v, sed^w ex quo summus pontifex hiis attendere nolebat, ad dei iudicium mediante igne velle procedere ac sero hoc mora deposita insudare magnis^x vocibus nuntiarunt^x. Quo audito plurimum doluit et vi secularium hoc declinare proposuit, sed divina faciente clementia optinere nequit.

Quod cum clerici aderentes episcopo cognovissent, ipsum deseruerunt et ad veritatis catholice defensionem sancto Iohanni et suis omnibus viribus inheserunt et sic usque ad finem cause perdurare curaverunt, nam contra ipsum^y tamquam contra hereticum [tamquam] processerunt. Tocius facti seriem per sollempnes oratores summo pontifici conscripserunt, a quo verbo vel facto nullum auxilium receperunt.

p) quo. q) ergänze capitum oder crinium. r) von zweiter Hand am Rand.
s) Gocctifreti. t) Sectimense. u) von zweiter Hand am Rand. v) Endung von zweiter Hand verbessert. w) von zweiter Hand auf Rasur. x-x) von zweiter Hand am Rand. y) nämlich episcopum.

³²⁾ Herzog Gottfried der Bärtige, seit 1054 mit Beatrix von Tuscan verheiratet, † 1069.

³³⁾ Mon. S. Salvatoris zu Settimo, westlich Florenz; vgl. P. K e h r, It. Pont. 3 S. 51.

³⁴⁾ Mon. S. Petri Maioris; vgl. P. K e h r, It. Pont. 3 S. 31.

³⁵⁾ Vgl. Vita S. Ioh. Gualb. anonyma c. 9 (MGH SS 30, 2 S. 1108): ... *plerique clerici fugientes persecutionem symoniacorum illic (i. e. Septimo) habebant confugium.*